

## Vlasnik Marlboro ulaže 1,8 milijardi dolara u kompaniju koja distribuira kanabis

Duhanski div Altria, koji je vlasnik Marlboro ulaže 1,8 milijardi dolara u kanadsku kompaniju Cronos Group. Altriji će to omogućiti 45 posto udjela u kompaniji, a u narednih pet godina ovaj udjel bi mogao porasti na 55 posto.

Cronos Group je kanadska kompanija za distribuciju marihuane za medicinske i rekreativne svrhe. Altria ozbiljno ulaže u marihuanu jer se nada da će ovo pomoći daljem razvoju kompanije jer je prodaja tradicionalnih cigareta usporila, javlja CNN.

“Ulaganje u Cronos Grupu koja je postala naš ekskluzivni partner predstavlja uzbudljivu priliku za rast Altrije”, izjavio je Howard Willard, izvršni direktor kompanije Altria.

Dionice Altrije porasle su za 2 posto u petak, dok su Cronosu porasle za više od 25 posto.

“Altria je idealan partner za Cronos Grupu jer pruža resurse i stručnost potrebne za značajno ubrzanje našeg strateškog rasta”, izjavio je direktor firme Cronos Mike Gorenstein u saopćenju.

Gorenstein je dodao da će Cronos iskoristiti Altrijina ulaganja kako bi proširio svoju distribuciju i infrastrukturu širom svijeta.

Date: 07-12-2018